



VAALIT
VAL

Riikkabeiveválggat 2023

Riikkabeiveválggat ordnejuvvojit juohke njealját jagi. Válggain Suoma riikkavuložat válljejit riikkabeivviide 200 áirasa mearridit min oktasaš áššiideamet birra.

Riikkabeivviid barggut

Riikkabeivviid dehálamos bargu lea ásahit lágaid, maid mielde servvodat doaima.

Nubbi riikkabeivviid dehálaš bargu lea mearridit stáhta bušeahhtaárvalusas. Bušeahhtaárvalusas meroštallojuvvo, mas stáhta oažžu ruđaid ja masa ruđat geavahuvvojit. Riikkabeivvit maid bearráigeahččá stáhta ruhtageavaheami. Riikkabeivvit vállje riikka ráđđehussii oaiveministara ja bearráigeahččá ráđđehusa doaimma. Dasa lassin riikkabeivvit mearrida, maid stáhta oaivvilda mánggain Eurohpa uniovnna áššiin.

Jagi 2023 riikkabeiveválggat ordnejuvvojit

sotnabeivve 2.4.2023.

Ovdajienasteapmi dollojuvvo Suomas 22.-28.3.2023

ja olgoriikkain 22.-25.3.2023.

Geas oaččun veahki?

Válgavirgeolbmot rávvejit ja veahkehit dárbbu mielde du jienastanbáikkis ovddalgihtii jienasteamis ja válgabeivve buot diliin.

Jienastanbáikkis lea maddái válgaveahkkebargi. Don sáhtát bivdit su

mielde jienastanskurbmui veahkkin, juos it ieš sáhte deavdit jienastanlihpu.

Válgaveahkkin sáhtá doaimmat maid olmmoš, gean don leat ieš válljen, ovdamearkka dihte oapmahaš dehe lagaš olmmoš. Válgaveahkki ii goitge oaččo leat evttohas dehe evttohasa lagaš olmmoš.

Válgaveahkki ii oaččo mitalit geasage, gean don jienastit.

Válgasuollemasvuohta

Juohkehaš mearrida ieš, háliidago jienastit ja gean jienasta.

Válgasuollemasvuohta mearkkaša dan, ahte don it dárbbáš mitalit geasage, gean don jienastat. Válgasuollemasvuođa dihte don deavddát jienastanlihpo jienastanskurpmus.

Gii oažžu jienastit?

Don sáhtát jienastit riikkabeaiveválggain, juos

- **don leat Suoma riikkavuloš; ja**
- **don leat deavdán 18 jagi manimusat 2.4.2023.**

Jienastanriekteilmuhus bohtá dutnje ruoktot

Juos dus lea riekti jienastit, nu oaččut das reivve ruoktot. Reivves lea jietnariivtti ilmmuhus, mas lea diehtu iežat jienastanbáikkis válgabeaivve. Mielde čuovvu maiddái logahallan ovdajienastanbáikkiin.

Don oaččut ilmmuhusgoartta elektrovnnalažžan, juos don leat váldán atnui Digi- ja álbmotdiehtovirgedoaimmahaga fállan elektrovnnalaš kommunikašuvdnabálvalusa dehege Suomi.fi-dieđáhusaid (lassidieđut čujuhusas www.suomi.fi/viestit). Jienastanriekteilmuhusa it vealttakeahtá dárbbat váldit mielde jienastanbáikái, identitehtaduodaštus reahkká.

Gean don sáhtát jienastit?

Suopma lea juhkkuojuvvon 13 válgabiirii. Juohke válgabiirres leat iežas evttohasat. Don sáhtát jienastit olbmo, guhte lea evttohassan riikkabeaiveválggain iežat válgabiirres. Du iežat válgabiire ilmmuhuvvo jienastanriekteilmuhusas.

Du iežat válgabiire evttohasaid nummárat leat oidnosis jienastanbáikkiin ja jienastanskurpmus. Oaččut evttohasain dieđu ovdamearkka dihte aviissain, televišuvnnas ja interneahtras.

Ruovttus jienasteapmi

Juos don leat buohcci dehe jienastanbáikái mannan dehe doppe jienasteapmi livččii mearihis váttis, nu don sáhtát jienastit ruovttus ovdajienastanáigge.

Don fertet ilmmuhit iežat ruovttus jienasteapmái 21.3.2023 diibmu 16 rádjái iežat gieldda guovddášválgalávdegoddái. Guovddášlávdegotti telefonnummár lea mielde jienastanriekteilmuhusas. Don oaččut válgalávdegottis maid lassidieđuid ruovttus jienasteami birra.

Ná sáhtát jienastit ovddalgihtii

Don sáhtát välljet, jienastatgo jienastanbeaivve vai ovddalgihtii. Don sáhtát jienastit riikkabeaiveválggain ovddalgihtii man beare ovdajienastanbáikkis Suomas dehe olgoriikkain.

Váldde jienasteapmái fárrui identitehtaduodaštusa, mas lea govva, ovdamearkka dihte pássa, persovdnagoartta dehe vuodjingoartta.

1. **Čájjet identitehtaduodaštusa válgavirgeolbmui.** Virgeolmmoš dárkkista dan ja addá dutnje jienastanlihpu.
2. **Mana jienastanskurpmui.** Čále jienastanlihppui čielgasit dan evttohasa nummára, gean don jienastat. Ale čále jienastanlihppui maidege eará.

- 3. Máhco jienastanlihpu guovdu.**
- 4. Máhca válgavirgeolbmo lusa.** Son steampilastá du jienastanlihpu ja addá dutnje ruškes válgakonfaluhta. Bija jienastanlihpu konfaluhttii ja liibme konfaluhta gitta.
- 5. Válgavirgeolmmoš bivdá, ahte don vuolláičálát skovi.** Vuolláičállosiin don nannet, ahte don leat ieš deavdán jienastanlihpu, ožžon dasa steampila ja gidden dan konfaluhttii.
- 6. Loahpas virgeolmmoš gidde válgakonfaluhta ja skovi** fiskes sáddenkonfaluhttii

Ná jienastat válgabeaivve

Válgabeaivve 2.4.2023 jienastanbáikkis leat rabas diibmu 9-20.

Dárkkis iežat jietnariekteilmuhusas, gos du jienastanbáikát lea. Válgabeaivve don sáhtát jienastit dušše dan jienastanbáikkis, mii lohká du jienastanriekteilmuhusas.

Váldde jienasteapmái mielde identitehtaduodáštusa, mas lea govva, ovdamearkka dihte pássa, persovdnagoarta dehe vuodjingoarta.

- 1. Čájet identitehtaduodáštusa válgavirgeolbmui. Virgeolmmoš dárkkista dan, ohcá du nama válgalogahallamis ja addá dutnje jienastanlihpu.**
- 2. Mana jienastanskurbmui. Čále jienastanlihppui čielgasit dan evttohasa nummára, gean don jienastat. Ale čále jienastanlihppui maidege eará.**
- 3. Máhco jienastanlihpu guovdu.**
- 4. Máhca válgavirgeolbmo lusa. Son steampilastá jienastanlihpu.**
- 5. Gahčat iežat lihpu válgaurdnii.**

Jienas riikkabeaiveválggain!

Lassidiehtu válggain:
vaalit.fi

Don sáhtát jearrat válggain ja jienasteamis maid riekteministeriija bálvalannummáris 0800 9 4770.